



温州市图书馆

WENZHOU LIBRARY

温州市图书馆



温州市图书馆
WENZHOU LIBRARY



温州市图书馆

WENZHOU LIBRARY

孫敬軒太史遺文

聖駕四詣盛京恭謁祖陵禮成恭賦

至矣哉聖天子之以孝治天下而合萬國之歡心以事先王也於
穆清廟經緯陰陽四孟之月禴祭烝嘗歲暮大裕降福穰穰嚴奉
先而起殿建高基之堂堂用時時而辰敬軼六告與五饗叶蓋自
臨御以來夙夜祗祗威威念夫創業垂統之匪易未始一日而忘
也歲在昭陽單闕於時息燧文館盈紳人神樂愷上下交欣
天子乃歌烈祖詠生民邇孕靈于遼瀋緬崇樹于寢園穆然肅然
顧羣臣而言曰朕升歆九廟本本元元致福受釐四十八年自祭
亥逮于戊戌躬三謁乎橋山夫神宮靜謐不時而臨之非所以明
尊也世澤靈長越時而疎之非所以盡倫也爰考上陵之制爰諏
祭輒之辰屬方神使護野救招搖為驅先戒筮伯以清道號屏翳

而灑塵迺駟蒼蚪六駿駁翳華芝張翠毒灘序糝纒駢參錯而曼
衍兮虹旃蜺旒之縟繁也研隱曾霍紛風馭而電爨兮千乘萬騎
之震肅也排閭闔以啟行望雲山而時邁川后傳警而來同兮山
靈稱蹕而赴令常儀飛輪而送暉兮羲和迴轡而流靄暫消夏于
離宮兮俟吉蠲之期屆爾其時當秋仲廣漠涼生御朔風而前路
躡邊月而移營訪鞞鞞之故地尋永霜之舊城山則青鸞白鹿石
塔錦屏七金五鳳榆木水精水則長春卓索鴨子烏磬中天東天
大凌小凌乃有檀城之長毳幕之徒殮我恩信樂俗安居順帝之
則擬於康衢迎雙雙之豹尾虜九九之龍車覲天顏之有喜若雷
動而嵩呼繫遠籥之向化兮皆祖德之潛孚也過九關臺厥風彌
古士食舊德農服先畝叶乃有松杏呂翁紫荆紅土白尚聞崖暨
薩爾澣岌嶺峻嶒孱豁嶮崕是為祖宗奮武之場將近邠邠營居

之所宜手法駕之所經信殷懷於靈緒也若夫蒼精孕氣峙為長
白五峯簇其巔眾流滌其足叶陽分兩幹蜿蜒鬱積西南則鴨綠
吉雅雙江匯澤西北則分水之嶺天下為脊其又西也茂樹深林
奇材異植山經失紀爾雅遺釋其又北也宏敞寬平微起微伏叶
鼓車所記蓋四十里而未息其外則有望蘭控草烏林大黑鶯落
崔巍虎臺崩崩高高下下環若拱極又有納祿南蘇瀚艷淑澹大
梁小潦蛟龍所宅源遠流長繞乎其域造物兆其神緘兮巨靈引
其地脈風雨之所和會兮陰陽之所翕闢此鼎湖之所在而億萬
世丕丕基所由肇迹者也於是太丙弭節六軍停轡皇情顧矚而
悅怡千官鞠脍而鱗萃仰開運之崧嶷接青蒼於一氣永陵斯在
摩稱殷祀祐四聖於同堂推始祖之所自蓋荒度之勤於是乎始
焉迺詣福陵升馨以次瞻天柱而畢然太祖之伐逆伐險天聲遠

乃	屹	遠	京	望	欣	於	殷	天	濟	草	被
有	是	之	道	秩	肆	闕	也	步	濟	昧	馬
秉	衛	堡	臻	是	永	寂	心	之	而	馬	迺
鉞	是	山	東	崇	錫	忽	存	雍	獻	大	詣
之	環	海	窮	五	兮	報	色	容	幣	房	昭
帥	十	之	巨	精	鴻	聲	投	兮	六	薦	陵
五	有	關	浸	飽	麻	容	目	拜	祝	廣	禮
部	八	華	西	德	爰	之	注	珠	肅	牝	成
之	所	實	接	而	迺	交	形	邱	肅	陳	福
官	堞	之	外	降	溯	投	留	而	以	薰	備
奔	重	毛	藩	社	天	天	凜	循	敷	瑤	望
走	新	則	南	百	潢	開	陟	也	言	俎	隆
先	洵	五	臨	靈	所	兮	降	何	揚	滌	業
後	乎	穀	朝	職	自	蕩	於	宸	戡	桂	而
道	天	桑	鮮	而	演	乘	在	顏	定	樽	穆
左	府	麻	北	輸	報	白	天	之	之	香	然
迎	之	衣	抵	忠	地	雲	感	赫	赫	霏	太
鑿	國	食	興	爾	靈	兮	霜	奕	奕	雲	宗
又	而	之	安	迺	所	悠	於	穆	溯	霧	之
有	王	源	防	皇	由	靈	涼	兮	積	樂	創
南	氣	重	禦	興	鍾	皇	秋	戀	累	振	制
陽	之	以	之	乍	懷	皇	返	雲	之	夏	顯
稚	所	雄	阻	轉	柔	兮	視	闕	綿	鈞	庸
子	所	城	則	盛	神	來	聽	而	延	庶	經
沛	蟠	屹	威	盛	祇			殷	何	官	綸

邑耆民接踵引領扶携來觀咸含和而吐氣曰盛哉乎此我后之
所以衣德而紹聞然後遵通衢鳴和鈴道雙闕上彤廷周覽殿宇
儼覩先型崇政頤和保極清甯闕睢麟趾名義深闕鳳凰之樓峒
名亭亭五朝寶錄垂萬萬齡別有傑閣特起啟稱文溯藏奔新編
分為四庫置以香芸祛蟬避蠹文治光華星河昭布天子迺眷惟
桑梓益廣殊恩謂夫園扉禁繫祖宗所矜全也倉庾正供祖宗所
亟憫其艱難也黃髮皤背之老是祖宗之所尚齒而告存也讀書
稽古之士又祖宗之所樂育而陶甄也登明堂而渙號沛渥澤兮
如春於是周親肅班羣工就序喜色動乎玉墀歡聲騰乎丹宇鏗
鯨鐘代鼉鼓奏英咸舞大武琴瑟磬管八音按譜彼傑侏與兜離
亦秩然而具舉付官禮以開筵屬庖人而酌醕其自中外王公下
逮介藩僚采莫不交被天和載笑而載語皇儀既溥皇澤既溢返

旆神京告成太室於斯時以黑精司令應鍾協律臣六出以飛靈
 雲三色而成霄鴻風皞皞顯猷秩秩福祉滂洋源泉不竭迺來歡
 謠於庶氓第嘉頌於九列懷世德之作求倍乾乾而無逸魏乎蕩
 乎孝治之隆孰有如今日者乎若乃全韵之詩開創之模貝焉紀
 行之作締造之蹟著焉觀人文以成化諧正聲於韶護鬯皇風於
 億載授胄子以雅故尤足以見聖天子率祖攸行無在不深其思
 慕乃作頌曰

黃祗蘊靈闢奧區兮篤生列聖肇丕圖兮栢城雲竦神所居兮皇
 纘厥緒奉三無兮眷懷先烈駕乘輿兮瓊瑩瑤席荐芳蔬兮躬承
 祀事受禎符兮錫類推恩羣歡臚兮孝孫有慶宏遠模兮本支百
 世襲嘉娛兮

聖駕六巡江浙恭賦

維聖皇握金鏡運化權襲九竅以經物錫五福以宜民溥化洋溢
湛恩彌綸聲教逾於雷翥之海尉候設於嘉良之川迺脩三雍之
隊典蒐七畧之逸篇際蒼穹而蟠厚地暢九垓而泝八埏神祇安
樂中外歡欣天人協應嘉吉紛云錫類於室家之壺曼壽於岡陵
之年然而兢兢業業求寧觀成者未嘗少懈於已治已安眷淮海
之區域兮應星紀之瑞躔轅帝心於南顧兮勤車駕之五巡惟鹽
官之舊縣兮捍骨母之怒湍易寧芟以楫石兮思鞏固於瀛壖閱
三載以奏績兮命六飛以往觀奠鼇極於溟渤兮省庖功於桑田
用以繼皇祖六巡之盛典而圖海隅萬姓之安全於是孟陬始和
協風應期律應太簇日躔姬訾涿易冰洋原隰柳黃天子乃御雕
玉之輦建翠鳳之旗乘騎其雷動羽衛煜以星移瞻郊原之曠

蕩兮欣韶景之融怡轉帝車於赤縣兮引日馭於青齊考壯瀆則
脛水之勤遠符乎奠川敷土表三賢則旌善之典不遺乎人往風
微載訪大庭之庫是為素王之鄉仰奎文之傑閣陟金絲之高堂
擅杏初茁甕壁尚藏御蓋琴麗璇榜焜煌其壯則有馬鬣之宰白
兔之隍稠著八尺異木千章燕人之所觀禮子贛之所築場迺羞
嘉薦軒仙漿三獻秩秩八佾洋洋胡輦爵鹿之陳璀璨而喬皇焉
羽旄磬筦之奏廣大而清明焉蓋自戊辰東幸行釋奠至是而六
薦馨香焉至矣哉尊師重道稽往丹而未冇方也祀事既將法駕
南指御龍舟設蘭鑄沿汶流遵泗渙臨竹箭之迅濤兮驗桃花之
信水會洪澤而波恬兮下梯雲而勢駛自黃陵之維緩兮又青龍
之道弛曹單既已北咨兮封蘭爰邁夫南圮發圖書以運謨兮咨
岳牧而命使下金符以窮源兮沈白瑤以秩祀醜新渠以殺怒兮

溫州府志

排濁沙以導委堤則纒水截河埽則馬頭龍尾推卷牽制薤掛之
法周劄抹塌展射拽之患止蠲勿鬱於魚龍拯沾危於婦子登衽
席者二州利溥漕者千里萬福以之來同天顏對而有喜既而涉
清淮下廣陵發棹謳於渠水兮覽形勝於蜀岡撫鬻海之利博兮
思恤民而惠商尋梅嶺之舊蹟兮表忠義之遺芳出水步而揚帆
兮指浮玉之亭亭上絕頂以遙睇兮忽同雲以飛靈江神獻其絕
景兮混海天於一形駕龜梁以利濟兮得鐵甕之古城雲陽昆陵
澶漫以相屬兮屈姑蘇停夫翠旌邇涉虎阜遠眺洞庭臨貝區之
灑漾兮七十二峯羅列而崢嶸經樵李以左轉兮畧武原而右行
見夫四千餘丈之新塘兮已屹然峙於東瀛夫其飛濤涌喬晝夜
奔騰束楮龕之迫隘兮羌雷鼓而霆轟上擊兮下律旁射兮邪抨
其為塘也元則木櫃石閘之制宋則袁花鹹淡之口遠有明五修

而五變卒未克以有寧我皇考之勤民兮畚撮一系而三興化漁
派為膏沃兮麻麥彌望以青青洎乘輿之南幸兮緬雲棧以屢登
覽三疊之分竦兮察潮汐之變更慮鹽倉之未固兮驗石篁之虛
盈自元默而端倪兮迄商橫而經營劇巖墮嶒峻絡以筌節之纜
植以松樅之楨亘若虹濟坦若砥平言言兮若金鏞之固屹屹兮
若底柱之擎伊經始之維艱兮樁欲下而翻撐偉聖人之舉事兮
協和會於三靈示梅花之秘巧兮施金鏈以有成似授圖於文命
兮類分水於白英信先天而不違兮殫神謀以與能仰睿慮之宏
遠兮駐清蹕以凝情謂捍災禦患之猶未盡善兮申重巽於後庚
再鳩工於江滸兮續發幣於水衡雖勞費具曷可已矣爰俾又於
萬齡疇咨發兮聖謨攄虹旃曳兮玉軼驅臻乎武林之水集乎金
牛之湖嘉湖山之秀美兮正桃柳之競敷遵平江以返旆兮抵秣

陵之勝區鍾山蟠而石頭兮臨天塹以為都達六合之一家兮夷
列郡以分符信在德而不在險兮益思鞏夫皇圖若夫省風謠察
吏治勸耕桑蠲祖稅廣儒風肄武事登俊髦賜耆艾舊典脩愷澤
沛外運乎渾元內沾乎微細北起青徐南暨吳會西接楚塞東漸
海澨罔不霑髓而淪肌游原而泳沫且前此大吏或務彌文蓋以
抒萬國媚茲之忱而順兆民悅豫之意天子迺穆然深思瞿然却
慮綸詔丁寧崇質黜麗宮不增華器無踵置役寡而人不勞事節
而財不匱是故縣車之臣守土之吏挾策吟諷之徒挽強蹶張之
輩溝塍千耦旗亭列隧旌耄優游羈非嬉戲咸顯顯焉望屬車而
神傾欣欣焉聆和鸞而色喜且夫躬祀宣尼則順風訪道軒帝之
所以融皇風也奠定海濱則錫圭告成神禹之所以懋王功也第
官吏而班賞脩成周式一政焉恤閭閻而施惠下有夏補助之

令焉樂育人材則雲漢 式光於周文屏斥華佗則茅茨采椽

克儉於放勛兼三五而揚駿烈參兩大而宣鴻仁五氏叶百祿臻

麟趾孕祥於五世鳳紀繇算於億春遊覽詩書所述圖牒所傳頌

升恆於日月爛光華於鄉雲南山占夢之吉姬水得姓之繁莫不

焜耀乎墳典流播乎管弦然而上沂九頭下訖近代曾未聞兼備

乎曾元蓋惟道德邁百王而獨絕是以社福亘千古而莫倫信足

以跨躒子姒而色括羲軒彼漢唐之闡習又奚足而議旃而天子

方孜孜焉動色而懲逸豫作歌而勵精勤合貞明於繼照體行健

於純乾則夫逆釐降祉而錫羨開統者益將豐融顯燦而未有垠

也敬作頌曰

於皇大清受命允昭逮我聖祖戈戢弓橐時巡方岳廣沛恩膏漱

矣吳越六賁旒旒皇帝嗣服恪繩祖武綏靜嘉師又安率土眷是

南邦地大物庶問俗觀風茲亦六舉有洵怒濤有截長堤鑿興戾
止再四圖維綸綍申布賦役量期匪棘其欲以奠烝黎熙熙衢歌
巷舞道一風同德洋恩溥明明我皇天錫純嘏于萬斯年履禱海
宇

蘇軾遺文

蘇軾遺文卷之三



溫州府圖書館

WENZHOU LIBRARY

皇朝四百年來志
且及豐成未武
謹序

聖駕四詣盛京恭謁祖陵禮成恭賦

謹序

臣聞上陵之禮其來尚矣自漢以來莫或敢廢我國家龍興東陸
奄宅中夏六祖三陵遠在關外聖祖仁皇帝嘗三次展謁所以申
孝思而光續緒也皇上丕紹鴻圖恪恭罔懈報本追遠塵存著於
烝嘗衣德紹聞勵精勤夙夜八年十九年四十二年皆嘗東詣盛
京祇謁山陵又五年為昭陽單閣之歲復舉斯禮豈非孝敬之篤
繼述之勤有加無已者哉先是脩輯四庫全書上命以一分藏於
盛京文溯閣至是春書成命儒臣前往陳設又上命新製太廟冊
寶以太廟舊冊寶恭藏於盛京太廟秋八月既望上自熱河啓蹕
九月至盛京永陵福陵昭陵以次展謁禮成蠲租宥罪錫宴引年
校藝文閱武事一如舊典駕回入關恭謁東陵臣惟漢高之幸豐
沛非關將高之思孝明之感鏡奩不出郊圻之內宗建秘閣縹緗

不逮於陪都周設守祧圖珠無聞於原廟未有省方頓駕屈公劉
 鞞琫之原繼序不忘仰黃帝衣冠之兆宏文明之化旁漸乎日出
 之方謹宗器之藏世守乎帝省之宅行一事而數善備焉如我皇
 上今日之懿者也臣忝列禁垣竊睹盛典謹拜手稽首而作賦曰
 伊聖主之膺圖恒恪繩乎祖武致愛慤於奠益牽牲溯謨烈於建
 邦啓土緬六聖之山陵瞻上都之區宇蒼姬則沮漆衣繇炎漢則
 粉榆樹古鬱葱松柏春陳之佳氣長浮傍礪山川芒碭之祥雲遠
 聚輟秋田於一歲遠貴鸞旗踵盛典於三巡虔脩簋俎二京父老
 欣寶旆之頻臨兩閏星霜睹玉衣之再舞帝車順指遙生奎璧之
 光華天府森羅罔替高曾之規矩時則蓮川暑淨氷井涼生塞垣
 潦盡帳殿霜明方上三多之祝旋勤六御之行紫蓋黃旂役風雷
 而起仗千乘萬騎肅鸛鷺以隨征日馭纒經巖嶺之寒花更茂霓

旌乍拂狼河之高柳偏榮地連涇水而遙藩王奉表路出榆關之
外屬國傾誠衛士雲屯電繞星流之城周廬碁布龍蟠虎踞之城
爾乃敬詣崇岡祇瞻寶殿神榆偃蓋凌柞楫於周詩天柱摩霄壓
嵩散於禹甸西為隆業之山密邇樂郊之縣環幽鎮以安敦俯滄
溟而清宴三陵相望並昭天作之崇隆大祀方行咸切皇哀之慕
戀乃薦遵豆乃獻膾薌金支晻靄黼繡周張檠流玉壺鼎燎蕭光
設九賓而臚甸備四縣之鏗鏘佩玉珥貂列侯陪侍奉璋贊朱髦
士趨蹌屢感念於歲時石門露白接英靈於陟降紫幄星黃龍勺
難奏嘉薦升而彤嚶雲車風馬神游下而常羊覲功烈於豐碑見
王業艱難之自儼威儀於石馬知聖人神武之彰蓋瞻戀松楸儼
愾固徵於聞見而裴回弓劍纘承尤戒於怠違豈若唐室獻衣僅
屬祠官之掌漢家上飯但循歲事之常哉祀事竣法駕旋望舊宮

而 至 止 假 原 廟 而 告 虔 焜 煌 兮 堂 序 璀 燦 兮 几 筵 冊 紀 徽 稱 三 極
配 乾 坤 之 德 寶 彰 大 命 萬 年 承 圖 籙 之 傳 貞 珉 色 古 玉 筋 文 圓 盤
龍 回 互 暈 錦 駢 闐 金 繩 盼 錯 繡 帕 紅 錦 虹 氣 朝 飛 東 接 扶 桑 之 祀
龍 光 夜 徹 上 輝 析 木 之 躔 拓 室 珍 藏 視 垂 矢 和 弓 而 倍 重 文 孫 世
守 共 白 山 黑 水 以 長 延 况 乃 延 閣 宏 開 天 文 炳 燭 陋 黃 竹 於 王 歌
儷 卿 雲 於 帝 曲 牙 籤 題 四 部 之 名 金 匱 備 九 流 之 錄 開 元 緝 典 藝
文 並 貯 於 兩 都 柱 下 藏 書 冊 府 別 傳 於 犀 玉 遼 河 灑 瀚 盡 翻 學 海
之 文 瀾 輝 頰 嵯 峨 不 數 酉 山 之 秘 錄 四 國 於 焉 而 同 文 萬 姓 因 之
而 易 俗 若 夫 黼 宸 陳 正 衙 敞 簫 韶 送 音 黃 麾 列 仗 宮 扇 徐 開 爐 烟
細 上 聯 翮 劍 佩 効 虎 拜 而 雍 容 清 切 堂 階 識 龍 顏 之 穆 朗 爰 承 綸
綍 之 頒 用 沛 恩 膏 之 廣 法 夏 游 於 省 斂 澤 普 蠲 租 考 漢 典 於 引 年
歡 騰 錫 杖 尊 陳 白 虎 雲 天 奏 需 雅 之 歌 竿 樹 金 雞 雷 雨 解 園 扉 之

網紉枚授簡賁束帛以翩翩褒鄂陪瑩酌天漿而益益此孝子有
錫類之仁而廟中興施惠之象也既布仁恩乃講武事家稱六郡
之良器合三五材之利月穀王張星流錐志虺甲齊穿基楊併墜
騶虞豕首樂師之節悉諧白矢參連保氏之儀咸備雞林遠戾
知邊圉之甯虎旅分屯用重神京之寄斯行也奉先之誠既展續
緒之道彌隆副圖書於漢殿珍法物於艷宮賜復下南陽之詔作
人宏東序之風耆耄蒙休於頤養幽蟄被照以昭融樂豈興歌德
備乎鳧鷖既醉戎兵克詰事兼乎吉日車攻暢八埏而光四表蟠
厚地而洽蒼穹然後回玉軼遵紫膝雄關賓日寒谷凝冰紆川塗
於赤縣將牲幣乎東陵雷動天旋徐按和鸞之節辰居淵默仍安
垂拱之恒是知禮反其所自生德無以加于孝翠華遠居屈皆由
聖念之精誠松路頻窺要仰先猷而則倣固非但披圖刻玉殷國

而秩山川亦豈徒豐盛潔粢入廟而思嗜樂夫是以邇游遐沫推
之為怙冒之恩邑駮朝勤布而成仁讓之教禮樂舉而天地為昭
功業隆而三五莫較也乃作頌曰
大哉聖孝念本始兮越茲四紀懷無已兮巍巍岡陵勤仰止兮於
皇典物傳萬祀兮於燦文章漸萬里兮熙事備成德休美兮燕及
皇天綏繁祉兮勿替引之億孫子兮

皇駕六年閏五月行畢莫豐成恭賦謹序

聖駕六幸闕里躬行釋奠禮成恭賦 謹序

奧稽釋奠之典著在禮經春官志樂祖之詞王制紀師遠之告汨
尼山贊述崇祀上庠春秋二丁臚為常制祭若夫馬鬣封山之地
龍蹲毓聖之區卒史置於少鄉禮器修於叔節犬酒給真香幣齋
辭歷代尊崇罔或攸斁自漢高過聖始以太牢親祠自是厥後東
漢之永平元和元魏之太和唐之乾封開元周之廣順宋之太中
祥符皆嘗親屈至尊肅將明祀然而歷年曠邈墜典方修再拜致
敬隆儀未極逮乎元明遣官行事又無以議為也國朝啟運列聖
重光惇秩叙以迪教隆庠序而尊師聖祖仁皇帝保大定功脩偃
武南巡江表還幸魯邦筆脩釋奠之文遂盡嵇拜之禮逖嵇往牒
邈乎未有儷焉者也皇上纘緒敬道彌篤戊辰東巡首舉盛典嗣
是而丙子丙申則以奏凱告成丁丑辛卯則以省方展禮率循祖

文 軒 遺 文

武昭假維度歲在焉逢日躔營室車駕將懷柔海若閱視塘工復
以二月初吉駐蹕闢里親行釋奠禮如舊儀方軒皇之訪道崆峒
其勤益至視甯王之愛書尚父其禮尤恭斯聖德之崇高宜文化
之翔洽也臣生聖人之里近天子之光與園橋觀聽之班隨擊壤
謳吟之俗爰拜手稽首而作賦曰

聖天子建中和之極兼綜條貫玉振金聲耕臘道德之圃含咀仁
義之英蒐七畧之秘典脩三籙之隆名九德歌而功叙五品遜而
倫清肆將法夏遊於補助追禹績於平成蠲孟陬之吉日踐吳越
之遙程眷素王之故宅在魯恭之舊城玉麟降瑞亦雀流精緇帷
肅穆木鐸嘈呶溯洙泗而心源若接緬車服而道範如呈薦芹藻
於五度閱星霜之八更深低回於聖里切將高於皇情禮將循夫
皮弁車爰停乎翠旌時則日暖鳧山水開沂水淑氣隨麾祥雲翼

軹名邦則淮海雙清襟平野則青徐千里引豹尾之威蕤曳虹旂
之颯纚羨承輦而茵柔柳拂旌而絲靡鳴鸞泮宮之臺飛旆靈光
之址矍相之圃未荒大庭之庫猶峙帳殿開而五老屏環法駕轉
而四涼轂起紆玉佩於上公萃青衫於四氏瞻罕畢而情傾聆蕭
笳而色喜七萃之士初屯萬仞之牆伊邇爾乃瞻奎文之傑閣陟
詩禮之高堂兩楹有覺七壁猶藏古逢春而甲坼檜溜雨而鱗蒼
肅天儀於矩步薦明德於爐香穹碑矗巖濼焜煌御蓋則金枝
玉葉璇題則鳳翥鸞翔溯宸遊於皇祖留聖蹟於平鄉中和良辰
上丁吉日天緯齊明祀事芬苾春卿贊采以雍容髦士奉璋而洵
慄蕭絳騰寶鼎之光磬筦協宮縣之律三獻行兮爵鹿陳六佾振
兮干戚出牲牢具兮相桓嘉粢盛羞兮胡輦秩彷彿兮諧金絲之
逸音芒芴兮睹河海之曄質惟道統之相承故感孚之獨密言動

之則契律度於從心刑賞之公符褒譏於載筆似入夢而几寫同
堂似操琴而望羊在室明禋畢講席敷公卿鵠立岳牧鳧趨集獲
成之胄子召蘭室之名儒辟藏百篇之簡韋編八索之圖義宣突
奧說闢榛蕪教顯於風行霆布理洩乎天苞地符莫不領聖言之
疊疊仰宸度之榆榆同辟辟鼓鐘之和樂陋石渠稱制之拘迂既
而逶迤日馭晷星持背卧龍之高阜訪白兔之深溝閱自天之
黃玉聳拔地之青椒翁仲屹其象笏麟森乎銀鉤楷千層而虬
攫著百莖而龜遊蒿蕭茅而氣潔軒玉鬯而香流從容澆眺俯仰
低留想儒衣於章甫思法服於麤裘酌芬芳於一勺格精誠於千
秋若夫解澤滂流巽風申布嘉弦誦於儒林恤耕桑於農務宏蠶
序之風流蠲閭閻之租賦青齊之多士雲從魯國之諸生景附給
漢札於旌門奏雄文於輦路出束帛以分頒闢天衢而待赴松收

岱畝之材桐採嶧陽之路思卓乎蟠木搏桑氣振乎圓冠白履斯
文本重道之淵衷為施仁之異數也懿夫配三才而立極參兩大
而成功政教之原無異君師之理本同會歸錫蕩平之福漸摩成
仁讓之風道隆而業益峻禮卑故智益崇既將誠於東序遂絜祀
於遺宮德則節符之合情則美牆之迥文明光乎四表愷澤浹於
大東然後徐按和鸞載驅旌旆莫鼈極於瀛溟省虍功於吳會是
以萬福來三靈泰金甌永固圖籙綿於無窮雲漢為章聲教訖於
無外

聖駕六巡江浙恭賦

焉逢執徐之歲上以海寧老鹽倉石塘告成復巡江浙蓋盛典至
是六舉矣所以勤恤民隱而恪繩祖武也於時至治翔洽溥化周
流鍾重光之景運懋下武之大猷闢矣荒而置尉候踰蕙嶺而集
共球收遺文於秘閣頒副本於方州宣房之瀾既奠園橋之典聿
脩深仁浹於骨髓協氣達於萌區光華被於八伯風化醞於九頭
天子方儲精垂恩延釐凝庥干祿而穆皇不億曼壽而松喬與儔
久道化成而日昃彌勵厚生咸若而民瘼時求體純乾以行健符
繼照以燭幽乃眷吳越之域逖處東南之陬材秀物夥地大民稠
築隄防於瀛岸廛宵旰於睿籌繼錫圭於禹績仿刻玉於舜遊律
應太簇日躔承韋天地烟煴萬物光輝條風至兮凍解生意蕩兮
草萋度上辛之吉燎載東郊之青旂卜征習祥豫順隨時大駕動

乎泰紫之垣發乎良丑之維蒼靈導蹕白芒翼輓衛以鈎陳之廟
穆兮蔭以華蓋之葳蕤千乘萬騎殷轡乎雷霆兮旌旂旒爛乎
虹霓出白服以首塗踐尚父之賜履少海環其幅員兮岱宗鎮其
南鄙考原委於清河兮識隱淪於靈涕嘉三賢之立德兮崇壙代
之明祀理無蹟而弗探善無遠而弗紀屈靈光之故基欽昌平之
舊里永嘉^壽備其祖桓元嘉置其卒史薦芹藻於五巡兮蘊精誠於
八載肅九擗於堂階兮將三獻於粢醴惟心源之默契矣瞻羹牆
其伊邇彷彿兮聞金絲之逸音芒芴兮睹河海之粹體集蘭臺之
英儒台褒成之胄子發壁書之秘篇闡韋編之奧旨指龍阜而北
出詣馬鬣之崇宰桐著發靈黃玉閔采冕檀維離蔭其顛紫芝靈
藥緣其址軒玉鬯而芳流苗蕭茅而香起勤逾於順風訪道之行
敬隆於東面受書之禮尊師之誠既展省方之駕徐邁浮汶沈沿

沂泗經鄒滕歷豐沛陟雲龍之峻阜見黃河之澎湃雪山之凍初
消桃花之水已至自夫儀蘭維緩徐邳道棄蛟龍騁其遠游夫婦
羅其塾隘崇天府之圖書協魚身之秘記窮源星宿之西沈玉崑
崙之外咨岳牧而命官兮詒水衡使出幣綜三策而折衷兮師二
渠而引派廝流殺其湍激兮刷沙導其淤滯培高堰以障洪澤之
南分隄奎山以捍黃流之旁噬徑窈明灘之患消護岸截河之法
備於是乎馮夷受約五老呈瑞會桐栢之清瀾望尾閭而迅逝徐
兗之耕鑿無驚荆揚之舳艫相繼沈災洒兮萬福來翕河由兮帝
心慰濟河而南爰及淮揚山則岵岵胸艾河則洳沭白洋桑墟覽
社白馬射陽眾流所都灝瀚汪茫抵廣陵而駐輦眺三州乎蜀岡
表孤忠之遺蹟兮得梅嶺於榛荒浮揚子之混漭兮上妙高之苔
亭漫同雲於六合兮散九天之瓊英渺清光於萬里兮啟玉宇之

崢嶸揚舫浮王之椒弭棹潤州之郭則有北固崔嵬東園瑩學京
峴波陀練湖停著孟瀆北注梁溪西瀹春申之所鑿浦泰伯之所
採藥停翠罕於姑蘇覽闔閭之封畧聳劍池之孤阜兮帶茂苑之
叢薄臨震澤之渺茫兮羅羣峰之峇峯環四郡而作浸兮滙百瀆
而為壑遵平江而繫纜兮浮笠澤而鳴舷度橋李而畧語兒兮遂
進臨乎瀛壖儼新塘之在望兮羌乞乞而言言伊靈濤之汨起兮
轉地軸而回天輪迫諸龕而奮擊兮更南北於三壘傳二塘於在
昔兮歷唐宋以祢完忽衝波之空入兮混港瀆而相連萌芽乎嘉
定之季浸淫乎元明之年自鼇極之既奠寶魚鱗之三捷戢陽侯
而馴蛟鰐安作息而裕牢盆惟鹽倉之如故兮捍梢芟於激湍雖
頽圯之未見兮終保障之未堅暨六飛之屢泣兮單宸慮以寤人
察土性之虛實兮測潮汐之變遷築土備以護址兮下石篴以驗

痕自元默之紀歲兮議累石於江干慮虛沙之艱擊兮輟經營乎
八春迄上章而定計兮興畚插而任民當徒庸之始集兮何下楛
之艱難似戴村之築壩兮資幽贊於明神象梅花之吐萼兮布五
出之松檜協邪許於一呼兮應金鉅而帖然斷犂确之山骨兮疊
磊落之雲根類金隄於酸棗兮似砥柱於孟津惟聖德之深厚兮
合至撰於乾坤海若奔走以率職兮鷓夷惚恍以效勤合天人之
助佑矣溥樂利於黎元於是鸞輿至止俯仰流觀業鉅防之已固
謂規模之尚偏絲綸申下刀布重頌乘丞徒之和會集楨幹之駢
闐培范塘而崛起接草菴而西延蓋聖人慮事必將擴千世以為
量而籌萬全以為安不恠乎亡涯之費不驚乎非常之原故河清
而海宴莫不荷覆載於皇仁遵海濱而石轉義馭乎錢塘井蟠
龍而神異湖名聖而澄清二堤若雙虹之亘六橋象閣道之橫既

乃天旋雷動西指秣陵臨長江以為塹據石頭以為城信九州之
形勝兮為勝國之陪京懿皇圖之式擴兮闢四極而徼八紘六幕
以為郭兮四溟以為隍矧淮海之伊邇兮何險阻之足稱若夫解
澤流巽風布叙羣吏之功能頌舊臣之禮數嘉弦誦於儒林省耕
耘於農務宏庠序之風流蠲閭閻之租賦旄耆蒙頤養之休樓船
習張皇之具江淮之多士雲從閩浙之詩生景附給漢札於旌門
奏雄文於輦路出束帛以分酬闢四門而競赴循舊典以施恩咸
紛綸而布護於是天子穆然珍臺閒館蝓蝻蠖護之內思將薦兩
圭於方丘行三驅於古塞策賢良於大廷登常吉於列位乃命大
馭回鑣司常返旆節之以時限之以制朝無廢政吏無關事郵兵
役之勤勞故人不敝戒宮館之華侈故財不費澤漸於黃木扶桑
息隆乎穹天厚地揆厥所由皆本於聖心之寅畏嚴恭天稟之聰

明睿智顧題而聲臭默通盡性而精微洞契故勅幾釐績無非上
體乎帝心而求寧觀成要惟悉明乎人利也且夫德厚者慶隆治
懿者福羨在李春之上旬方鳴鸞於江岸鍾紫閣之靈和發金枝
之炳煥備五世以承歡合三靈而集眷沂邃古而莫儔稽邇牒而
未見天人應具休嘉中外同其懽忭騰率土之頌聲覃貢使琛之
使傳彼夫降胤占熊吹銅視膳儀著綠車祥開甲觀鬪雞蓮勺之
郊鄭鏡蕭齊之殿猶且竹素著稱詩書流絢况若今日之振振繩
繩衍徙緒之延洪而引星潢之浩泮豈非泰運之光昭元和之鼓
扇道德之懿燦治功之崇峻錫類之繁昌膺祺之曼衍躒五跨三
亘古今而為冠者我爰作頌曰
於皇聖治績緒保泰勤祇適兮昔在聖祖鸞輅六駕綏吳越兮皇
初嗣服曰予時邁未可猝兮俟時順動十有六載龍旂出兮泣止

南邦行慶施惠澤洋溢兮繹闡不怠六巡之典繼祖烈兮有截長
 隄捍災禦患屹不拔兮既歲其東復圖其西期永謚兮惟皇祗畏
 上天之載通宥密兮惟皇濬哲性命之原洞毫忽兮安人立政操
 手其本以逮其末兮永綏眉壽子孫十億亘古無匹兮編修臣孫
 希旦恭進

此處為全文的影印，文字非常模糊，且呈半透明狀，難以辨認。

御製濟水考恭跋

臣惟禹貢言道者九水而言溢言出者惟濟誠以其伏見無常特異他水而自禹績以後津渠勢改脈絡益難尋究班固酈道元之徒各執異論每相齟齬今伏讀聖製濟水考然後知昔之言濟水者或失則謬或失則泥或失則偏非聖言莫為折厥衷也孔安國孔穎達謂濟水入河並流截河南出夫河大濟小河強濟弱濟若入河並流則河必挾濟東東注安能復溢出於河之南此所謂謬也濟出於王屋之太乙池旋伏而見於東邱入河又伏而見於滎澤旋又伏而見於陶邱世因有三伏三見之說而不知濟南七十二泉往往皆濟水之所發也而以三伏三見限之可乎此所謂泥也京相璠酈道元皆指漢魏以來出石門口至定陶又至乘氏而分流者為濟而不知滎陽之下引為鴻溝導為滎瀆者乃大河之

枝流也而遽目為濟可乎李賢李吉甫杜佑皆謂王莽濟水枯涸
河南無復濟水而不知阿井鈞突皆濟眼大小清河皆濟渠也而
繫謂無濟可乎此所謂偏也惟我皇上洞明經義精察物理謂濟
水之入河即伏於黃之底則知並流截出之說之為非矣謂濟水
之伏見無定處亦無定數則知三伏三見之說之為拘矣謂禹貢
所言乃本然之形勢而時代變遷伏見無常亦理之所必有則知
指出河之濟為禹蹟及謂河南無濟者之並非篤論矣是故陶邱
之出班志已不言榮播之豬酈元已不載而出河之濟上經榮陽
下至乘氏則榮澤陶邱之間伏流重發之道尚可尋也汴水既堙
則濟水所行惟荷汶戴村壩之既築則清河所資惟山泉而馬車
瀆之歸墟牡蠣口之赴壑則入海之跡猶可稽也誠有如聖製所
言以禹貢八語證之總不出數土奠川之本來者夫四瀆之水源

之荒遠而不可窮者莫如河其流之晦昧而未易究者莫如濟國
家聲教遐迄三藏阿里悉為外臣遣使訪求得河之真源於巴顏
喀喇山而鸞輿南幸蹕路所經覽清河之朝宗察北瀆之顯晦考
定其說以正千載耳食之誤使後之讀禹貢之書而為地理之學
者咸得有所遵承其嘉惠為何如哉臣謹跋

蘇軾遺文

蘇軾遺文卷之三



溫州市圖書館

WENZHOU LIBRARY

Faint, illegible text arranged in a grid pattern, likely bleed-through from the reverse side of the page.

蘇軾遺文卷之三

聖朝五世慶源頌 謹序

臣竊觀大雅之詩自行葦以下四篇皆當太平之時祭祀燕饗之際而稱願具君之福祿不徒欲其身之壽考維祺無有後艱而又欲其錫類昌後而子孫蕃衍衆多至於千億然後為獲福之盛至推其本則由於道德昭明仁及草木祖考神祇莫不安樂之所致也然帝王之家子孫蕃衍固當與臣庶不同所難者則在於數世相接聚於一堂而詩人猶未之言也伏惟皇帝以上聖之姿膺下武之運持盈保泰海宇又安中外禔福永綏眉壽茲當六巡江浙恩德洋溢浹於東南而三月上旬皇元孫鍾靈納和誕育紫閣率土臣民莫不欣喜夫祖宗之能見其曾元者必皆在蒼莖之年而自漢以來人主壽過七旬者惟漢梁二武帝唐之高祖元宗宋之高宗元之世祖明之太祖而已漢武帝時宣帝稱為皇曾孫而元

敬
千
歲
歌

五
十
五
卷
第
三
十
七
頁

帝則生於昭帝元平之元年梁武帝之長子為昭明太子統次子
 為簡文帝統長子歡歡長子棟棟為侯景所立史但言其有妃張
 氏弟橋樛不云有于是無有子也簡文帝長子大器大寶二年年
 才二十八是梁武帝亦但見其曾孫棟而已且其未造猶無足道
 唐高祖之孫高宗貞觀二年始生元宗之曾孫德宗生於天寶元
 年而順宗則生於肅宗之上元宋高宗以孝宗為子由太祖之後
 八繼而孝宗之孫寧宗具太子曰曦曰竑亦皆撫諸族中元世祖
 長子朶兒只無後次子太子真金生三子長甘麻剌次答麻八剌
 刺次成宗成宗無後答麻剌八剌生武宗仁宗武宗生明宗以成
 宗大德四年仁宗生英宗以大德七年甘麻剌長子松山次為泰
 定皇帝泰定元年立長子阿速吉八為太子才九歲英宗明宗阿
 速吉八皆非生於世祖之時松山出鎮雲南至大元年有風疾帝

命老的罕代鎮其地而其子王禪延祐七年始襲封其

長而距世祖已二十五年則亦非生於世祖時

子其餘幼者無論姑以興宗成祖及秦晉二王言之興宗之子為

建文皇帝孫為太子文奎燕師入時文奎方七歲成祖之孫宣宗

洪武三十年始生秦愍王長子隱王尚炳尚炳嫡子僖王志垣庶

長子懷王志均志垣永樂十年嗣父為王志均永樂二十二年繼

志垣為秦王皆未娶晉王子孫其年不可的考然晉王少於興宗

及秦王當太祖時其年固未能有曾孫也三代以上人主壽考者

固多然以文王之德一家聖賢相繼而則百斯男可謂盛矣然其

孫成王即位時尚幼周公子伯禽當成王時抗世子法撻之似非

已抱孫者是曾元文王蓋亦未見以近世若彼以三代若此是五

世相接聚於一堂者自古帝王未之有也恭惟我國家累功積德

以錫斯民之福太和薰洽而殊祥丕祉還集於其本故能備今古
所未有之盛事於以見皇天眷佑我大清之厚不可無稱道以聿
明休應傳示後世臣不自揆謹作聖朝五世慶源頌一篇用述我
國家福履度越古今之盛而推本於列祖暨皇帝之功德以明福
祿所由致以庶幾詩人之義其辭曰
明失其綱羣盜蝟起毒燎酷焰薰灼四海時惟大清勃興遼水天
眷有德景命默啟俾除猘獮以救赤子天戈一揮雲散霧解昏氛
澄廓函夏寧教繼以聖祖皇風載躡內平三叛外定北鄙車書大
同化偃萬里嫗之以仁齊之以禮逮及世宗益飭綱紀吏靜民安
風清俗美列祖相承熙重洽累皇帝嗣統祇適聖軌揚烈覲光夙
夜豐豐武節颺流文化風靡靈山息烽陽闕橐矢闢治三籙蒐藝
百氏玉輅觀風宣房奠圯九扈趨功五鳩服采教廣菁莪材罄杞

梓協氣春熙洪澤海漚極遠窮高淪肌浹髓旁漸羽毛下逮蟲豸
久道成化曼壽無已雲漢之章岡陵之峙明貞離照健符吳絳馬
逢歲陽孟陬月始青旂曉載翠罕南指遵渚流星尊師奠醴覽觀
海門懷柔瀆鬼刀貝重頌木石再庀骨母瀾恬鹽官災灑夙駕省
農後車載士錫杖引羊蠲租邱匱恩洽瀛壖歡騰江漢斗建壽星
律中姑洗朱邸鍾祥金枝煥彩五世凝庥三靈貢喜天派延長璿
源演迤宿海崑墟銀潢霄裏孰測津涯益方濫洑近覽勝朝遐沂
十紀鳧降熊占螽斯麟趾甲觀地崇綠車儀煒鄠杜潛遊鏡鑷笑
委並稱詩書咸徵圖史惟是元孫未聞前比綿邈沮瓜留貽豐芑
蘊績元和光明帝履德冠百王慶隆千載凌羲蹀軒跨姬邁姒仰
惟我皇冲懷淵止馭索凜盈履氷谷社愈懋精華恒懲豫怠嘉福
磴磴蕃釐濟濟永庇生民延及萬祀

荀
車
邊
文

河
江
子
金
三
等
區
行
車
券
分
類
文
書
之
目
錄



溫
州
市
圖
書
館

WENZHOU LIBRARY

續通典凡例十二則

一杜佑作通典之後至宋時嘗命宋白續修而其書已不傳今續
通典循杜氏之例仍分為八門自各代正史之外如唐六典唐
會要五代會要冊府元龜太平御覽山堂考索契丹國志金國
志元典章明集禮明會典諸書皆參酌引用以期無舛無漏
一通典所纂止於天寶之末今續纂自唐肅宗至德以後迄於明
季按年編次至五代兵爭典章未備諸門細目中有一代所全
闕者則仍從畧若五代史止有司天職方二考餘俱闕如其有
可考者仍從會要冊府元龜等書搜輯補載
一通典自紀事而外凡古今名賢議論有闕典要者靡不甄收今
從其例凡唐宋元明人文集奏議及唐文粹文苑英華宋文鑑
元文類歷代名臣奏議明經世編名書擇其立論精確可資考

核者依類採入

一杜氏首列食貨典以食乃民之司命也有土斯有財故列田制

水利田屯田諸目有人斯有土故列鄉黨版藉戶口諸目而賦

稅錢幣漕運鹽鐵各條又皆所以經理乎食者也顧歷代沿革

不同杜典諸細目內如土斷之法起於晉南渡後算緡之法起

於漢孝武時而後世史志中罕有其目則在所從刪至於茶課

至唐末而始興則類載於雜稅之後互市至宋遼金元明而特

重則類載於平準均輸之後其餘諸典之或併或增或刪各隨

時代所有以期徵實

一杜氏選舉典列於食貨之後職官之前所謂欲行富教在乎設

職官欲設職官在乎得人才也後世選舉之法不一其途大約

設官以取士分銓以授官卒行之不變杜典於歷代制之下復

綴雜議論三卷蓋利弊得失之故必博采議論庶可見之施行
今亦倣其例若宋司馬光歐陽修呂大臨真德秀葉適之徒其
所敷陳皆可為選舉之衡鏡元趙天麟之太平金鏡策明王鏊
之制科議歸有光之三途並用議並能切中事宜今亦各摭其
要叙次於篇

一杜氏職官典其前卷先叙官制之要畧以下復分門臚列凡內
外文武諸職各繫以沿革顧歷代設官之制其稱名各異職掌
各殊五代史無職官志其時廢置不常自宰輔諸職而下無可
紀述宋時官制已與唐異遼之官號多用國語金則有省有院
有臺有寺監諸職元又從而損益之明草中書省復大加更定
今仍以通典所列官名為目而以歷代或有或無或名或異而
實則同分叙於下庶幾有條不紊至於明代宦官執政國柄下

移爵以公侯蔭及弟侄實為紊亂名器之尤考內監給事官闡
本不應與命官朝士相齒卷中宦官諸品秩謹遵聖諭從刪以
彰建官之體且以示炯戒焉

一杜氏禮典凡一百卷於諸典中為最詳以帝王制作之作莫過

於禮也惟是風會遞遷代有所尚其因革損益亦惟禮為最要

繁杜氏原門曰吉禮曰嘉禮曰賓禮曰軍禮曰凶禮復采公私

論述條次於各目之後以為禮議大約吉禮莫重於郊廟前代

之主凡遇大祀多命有司攝行雖復考定議文終無當於誠敬

之本嘉禮莫重於冠婚朝賀至於冕服采章本屬不相沿襲如

遼金元之輕改衣冠蔑棄舊制平至國勢浸微聖訓昭彰垂戒

萬禩其所闕正匪淺鮮他若賓禮本指天子諸侯之朝覲會同

後世封建不行賓禮亦畧則取累朝接見番國之儀入之軍禮

自田獵大射而外天子親征之典代不恆舉故杜氏於出師儀制之下惟載各代揚兵講武之事今仍以閱兵之禮叙於卷內凶禮自國恤而下杜氏雜載羣議最為詳贍今亦擇具有闕喪制者依類增入

一杜氏樂典於歷代沿革之下復載十二律五聲八音名義諸目夫樂之聲容節奏固因代而殊若十二律五聲八音則亘古不易者也惟是聲音之道至為微渺非有夙解神悟者未易遽得中聲宋大儒若司馬光范鎮朱子蔡元定之流皆留心樂律明則韓邦奇黃佐輩並著有成書每多託諸空言而手定一代之樂者或不盡洞悉律元之人今仍依杜典原目而節采諸家之說以備參考

一杜氏以大刑用甲兵故列兵制於刑典之前其所分諸自由叙

兵收眾以至氣候雜占多至一百四十餘條所謂兵以奇勝因
機而發凡有合於兵法者悉之為目不厭其詳也今所叙列自
唐李迥明凡英君良將戰陣之事蹟以及兵家之議論亦分類
入之以合原書之體

一杜氏刑典於刑制之外備列雜議及寬恕峻酷諸目其自序又
謂善用則治不善用則亂不在乎寬與峻者蓋世輕世重惟視
乎人之所用也自唐而降刑制互有輕重說者謂宋自仁宗以
後法制不立浸至柔弱又有過寬之弊明之律今頗為簡當而
廠衛之興毒流海內則用法與用人兩失之今總為得失具著
於篇

一杜氏州郡典統以禹九州顧自州郡既興而禹蹟益難深考往
往有一郡之地而錯出於兩州者且杜典既以禹九州為綱而

於九州之外仍別為古南越郡府一卷已未免自亂其例宋遼
金元迄明或分為路或分為道或分為省各成一代之制若仍
分屬於九州未免紛紜割裂欲徇上古建州之名而轉失後世
分土之實今稍變其例即以代綱為
一杜氏邊防無分東西南北四裔顧邊外之地通阻不常或同是
國而名已遞更或同是地而境已兼并故杜典所載諸部有見
於前更而後史即無聞者遼金興元起自塞外東北諸郡皆其
境土而宋則白溝以北即屬邊防明則邊牆以外儼成敵國此
又形勢之不同非可執一以論也今並依時代據實編載

奇
車
遺
文

海
洋
十
分
三
分
區
行
車
券
今
本
之
書
之
上
也



温州市图书馆

WENZHOU LIBRARY

酌擬畫一續通典條例

一每卷之第二行標目如食貨一食貨二之類節去一二字樣並照例抵一格寫

一案語中有舊作臣謹案者俱改作臣等謹案並照例抵二格寫

一各門總案行文繁簡不同原不能畫一大約起處多係敘述歷

來沿革惟自唐以前之沿革已見杜典似不必太繁今擬每門

皆用臣等謹案杜佑作典作起句以下將杜典體例與現

續之書損益異同增添刪併之處撮其大要叙於文內

一是書續至明代而止此外尚有皇朝通典全書則此書總案中

原不必兼及頌聖惟奉持旨評論前代事蹟者則不在此例凡

案內有泛行頌聖之語俱擬節改

一總案內有公家言如奉命續纂是書伏讀聖諭命以博稽前典

參酌時宜而要之以紀實無訛可垂久遠等句各門皆可通用若此之類在一門內原自無妨合諸門為成書則嫌於複行今擬俱行節改

一禮典分吉嘉賓軍凶五門此書於嘉禮賓禮軍禮凶禮四門前皆有小叙而吉禮之前惟有禮典之總案一篇今擬於總案之後始將吉禮另為標目一行仍添吉禮之小叙一篇


一禮典之嘉禮門前小叙內多有與總案中語複出處今擬專就嘉禮行文另叙成篇

一續文獻通考與續通典同館並脩之書凡此書案語內如職官典有纂錄是編斷以馬端臨文獻通考欽定續文獻通考為之權輿等句禮典有續纂是編斷以欽定續文獻通考馬端臨文獻通考為主等句俱擬酌改

一	各門標目下俱照例旁註唐五代宋遼金元明字樣至行文敘事內則照例作梁後唐晉漢周而不必再書五代二字以歸畫
一	五代惟後唐即接唐之後應加後字以別之此書中間有作後
一	梁晉漢後周字樣則節去後字
一	每一朝俱遵旨另行寫起此書中舊時有只空一格聯叙者俱
一	改從畫一
一	叙事中於每朝年號之上俱添書廟號舊時有但書年號者俱
一	照例畫一
一	每一典中各有小門類今擬於每一類中凡過年號俱於第條
一	添書某帝其一帝而改元者則但書行改之年號而不復書廟
一	號

敬
車
遺
文

海
江
文
選
卷
之
三
第
四
十
三
頁



温州图书馆

WENZHOU LIBRARY

擬補畫一條例三則

一前奉諭旨查載通鑑輯覽御批當即奏明已進各書內有未載

者俱應敬謹補入茲辦理畫一所有續通典續通考各門事實

有經御批提及者務須逐細查對恭遵諭旨節錄補入以無遺

漏為要

一遼金元西夏人地官名久經奉旨對音改鐸本館現有滿纂脩

官承辦茲辦理畫一務須逐細查出另登冊檔開注明白交館

以憑轉交滿纂脩官

改其原註舊作某今改正等字業已刪去毋庸再添

一本館各書於每門總案之外加載大案小案原自具有體例但

前後不免參差區別未易明曉茲辦理畫一擬酌量改歸一

例除各門類下考訂三通原書於體例有增改分併為總案者

仍作大字單行低二格寫其餘書內攷據故實改正訛諧各案

荀車遺文

俱作小字雙行於文下附註

荀車遺文



溫州市圖書館

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

0323